


大明度經



七十一
羽十一

47493



元祿九年丙子二月日重脩

皇圖鞏固 帝漸銀昌

佛日增輝 懋輪常轉

山城州天安寺法金剛院置

行

一

一

大明度經卷第四

吳月支謙譯

大明度經不可計品第十一

善業白佛言極大究竟明度無極無量無與
等者佛言然如來無師一切智是故明度不
可稱量安隱究竟無與等者善業白佛言云
何天中天如來無師一切智無量無邊佛言
五陰不可計量諸法亦尔五陰無邊諸法邊
幅無獲其際者用何等故五陰諸法亦盡處
云何善業虚空不可計盡不對曰不可盡天中
天佛言諸法亦然用是故如來法諸法無邊
量用法無量故發心起學無量明度如是本

無心心念譬言如虛空無心無念有心有念因
隨作是說不可稱計時五百比丘二十比丘
尼得應儀六十清信士清信女皆得溝港二
十閻士逮得無所從生法樂皆當於是賢劫
中受使對曰甚深天中天明度極大安隱究
竟佛言如尔云矣出一切智諸閻士緣一覺
道悉從中出譬言若轉輪聖王一切國土比皆為
臣隸王無所憂佛法緣一覺法應儀法皆從
中出立五陰不受不入溝港頻來不還應儀
緣一覺一切智道不受不入善業問何等一
切智不受不入佛言云何若見應儀等所入
不對曰不見也天中天佛言善哉善哉我亦

不見如來所入處如我無所入一切智亦無
所入愛欲天子梵天子俱白佛言甚深天中
天明度難了也正使三千國土人民過去佛
時所作功德一切皆信已具足過一劫方是
深明度中樂一日念不可量深出彼德有餘
佛告諸天子正使復有賢人聞是深法已得
證疾使彼輩所信樂過一劫其功德不及是
也諸天子聞是頭面著佛足繞稍稍却遠俱
不復現各自還去善業白佛若有闍士大士
信是明度者從何所來生佛言譬如新生犢
子不離母如是闍士大士聞明度已終不離
經師爲從人道中來生善業白言若有逮是

功德有從他方佛刹來生者無佛言有他方
佛刹供養已從彼來生若於兜術天上從慈
氏闍士問慧今欲求是法不懈持是功德復
逮得是經若有前世時聞不問中慧今生聞
是經於中有疑馱不信樂其人前世不從師
問中事復次闍士大士前世時聞是問其中
慧若一日二日三日至五日持是功德今復
逮得是經便信樂之若有欲樂聞時用是亂
故其心數轉如稱乍佞乍仰從新學來如是
少信樂當墮兩處應儀緣一覺道中

大明度經譬喻品第十二

佛告善業譬若大海中船卒壞其船中人不

取板檣不能得渡必於水死若得板若滴有
健者乘騎便不死當知順隨海水出也閻士
大士有信樂有定行有精進欲得無上正真
道而不得明度變謀明慧不得學當中道得
應儀緣一覺道其有信樂定行精進欲逮無
上正真道得學明度權慧者終不中道懈過
出應儀緣一覺去正在無上正真道中立譬
若士女持坏瓶取水知不久必壞所以然者
未成故學不逮此深法終不能逮一切智便
中道馱却墮二道中譬若持瓦瓶行擔水安
隱歸至何以故已成故學得深法知終不中
道自恣心上無上正真道譬若大海中船不

善護以財物者中至於道壞財物離散云其
重寶如是闍士大士正使至意學不得深法
當知中道馱便亡名寶中道懈怠墮二道中
譬言若有人施張大海中故船補治持財物者
中有所至不中道壞必到其處如是闍士大
士有信樂定行精進學又得深法終不中懈
正上無上正真道中立終不墮兩道正向佛
門譬言如人年老而身病云何是人能從牀自
起不善業言不能天中天或時起無力不能
自致正使病愈能自起會不能行步佛言如
是闍士大士具如上所行學不得深法而欲
逮無上正真道終不至佛當中道懈惰二道

中譬如老病人除愈欲起行有健人來扶持
之告曰無恐我自相送終不中道相棄送者
所樂處如是具有上行闍士學得此深明度
無極變謀明慧當知終不中道懈必能究竟
於中得無上正真道

大明度經分別品第十三

善業白佛言云何阿闍浮闍士學明度無極
佛言當與善友從事以善意隨明度教何等
為隨教所布施持戒忍辱精進禪定智慧當
施與作無上正真道莫著五陰何以故明度
一切智無所著莫得樂於應真緣一覺道如
是善業阿闍浮闍士稍入明度中善業言闍

士謙苦天中天欲索無上正真道者佛言如是謙苦安靜於世為十方護為自歸為舍為度為喜室為道何等為護生死勤苦悉護教度脫是為護生老病死悉度之是為自歸得無上正真道最正覺得如來為說經無所著是為舍又問何等為所著佛言五陰不著不縛是五陰無所從生無所從滅是為闍士得佛時為世間舍何等闍士得無上正真道最正覺得為世間度度五陰非五陰五陰為度度為諸法善業言如佛說度為諸經諸經得最正覺得何以故無所著故佛言如是無所著闍士慊苦念法不懈得無上正真道最正覺得因說

經如是為度世間何等為世間臺譬如水中
臺其水兩避行如是五陰過去當來今現在
斷五陰斷者諸法學亦斷諸法斷者是為定
是為甘露為泥洹闍士念法如是便為說法
如是得無上正真道時為世間臺何等為導
如是具得如上說五陰諸法空無來源無去
迹如虛空無異無想無處無識無所從生如
夢如幻無邊無異善業白佛言甚深天中天
誰當了是者佛言求佛以來久遠乃信之耳
過去佛時於彼所作功德如是人者乃明之
矣又問何謂求佛以來久遠佛言去離於五
陰以來不復有之乃明是深法如是闍士為

道守無量人善業言是爲人中之導佛言然聞
士得如上所行爲無量人之道守是爲大盟誓
爲無量人之誓言不縛於五陰不終於應儀緣
一覺者不於一切智不縛於諸法是故爲盟
誓善業言聞士求深明度不愛三處應儀緣
一覺至佛甚深天中天不有守者不無守者
不無守者從明度中爲無所出法爲守定爲
不守諸法爲守無所有爲守無極爲守無所
者佛言如是在明度中者當如是不退轉聞
士於明度中無所適著終不隨凡夫語不信
餘道不恐不畏不懈怠當作是知其人於過
去佛已受斯明也復白佛言聞士不恐不畏

不懈怠何緣當念明度中觀視佛言心向一切智是為觀何謂心向一切智佛言心向如空是為觀視不視不可計一切智如不可計是為非五陰不入不得不知不有不無知無所生無所敗無作者無來源無去迹無所見無所在如是不可限虛空不可計一切智亦然無作佛無得佛者無從五陰中得佛者亦不從六度得佛愛欲天子梵天子白佛言甚深天中天難曉難知佛語諸天子如是如來視如是安隱甚深是知悉知不退轉無作最正覺亦無最正覺諸天子白佛言希有信是經者愍念世間故說之世人所欲皆著佛言如是

大明度經本無品第十四

善業白佛言諸法隨次無所著無想如虛空
是經無所從生諸法索之無所得愛欲天子
梵天子言善業所爲如如來教但說虛空慧
善業言如來是隨如來教何謂隨教如法無
所從生爲隨教是爲本無無來源亦無去迹
諸法本無如來亦本無無異隨本無是爲隨
如來本本無如來本無立爲隨如來教與諸法
不異無異本無無作者一切皆本無亦復無
本無等無異於真法中本無諸法本無無過
去當來今現在如來亦亦是爲真本無閻士
得本無如來名地爲六震是爲如來說本無

是爲弟子善業隨如來教復次五陰溝港類
來不還應儀緣一覺不受是爲隨教秋露子
白佛言本無甚深天中天當說本無時二百
比丘得應儀五百比丘尼得溝港口五百諸
天人皆得無所從生法樂於中立六十閻士
新學得應儀道佛語秋露子是六十人過世
時各供養五百佛皆布施持戒忍辱精進禪
定不知定雖空不得明度變謀明慧之護今
皆墮應儀道中閻士有道得空無色無願不
得明度變謀明慧便中墮彼兩道譬若大鳥
其身二萬里無翅從天上自投中欲還寧能
不對曰不能至地欲令身不痛寧能不痛乎

對曰不能或悶或死何以故其身大而無翅
正使闍士如恒沙劫作布施持戒忍辱精進
求色定不入空不入明度不得變謀明慧心大
起索佛道一切欲作佛便中道得應儀緣一
覺若於佛所具如上行又聞佛一切智皆念
求如色是爲不持如來戒定慧不知一切智
但聞聲心想如聞耳便從是作無上平等最
正覺會不能得便中道墮彼何以故不得深
法故秋露子白佛言如佛所說念中慧闍士
離染法便得應儀緣一覺若真欲得無上正
真道最正覺者當學明度變謀明慧愛欲天
子梵天子白佛言難曉明度無上正真道善

業言難了天中天如我念是慧者無上正真
道易得耳何以故無有當何從得佛何以故
諸法皆空索法不可得當作佛者索法無所
得是求佛易得耳秋露子言如所說者難得
何以故空不念當作佛是法如虛空設易得
者何以恒沙闍士皆逮報言云何用五陰逮
乎曰不也離五陰逮乎不也云何秋露子曰
五陰本無寧逮乎曰不也離之有法逮者不
曰不也云何是本無使逮不曰不也離之有
法使逮不曰不也是法不得何所法使逮者
秋露子曰如子所說大士等逝都無逮者佛
說三有德之人求應儀緣一覺至佛道於三

不計三為求一道如善業所說滿祝子語秋
露子善業說一道當問秋露子言說一道我
用是故問荅曰云何於本無中見三道耶曰
不見也何以故從本無中不可得三事善業
言本無一事得乎曰不也於本無中得一道
乎曰不也善業言設是諦不可得者何故復
說應儀緣一覺佛如所說道本無無異聞本
無心不懈怠是必得最正覺佛言如尔無異
持佛威神使若說本無等無異秋露子問何
等為覺佛言無上正真道即是也善業問佛
何等為成就於閻士佛言一切人皆等視慈
心加哀不得瞋恚作是立當作是學

大明度經不退轉品第十五

善業問佛不退轉闍士大士當何以比觀其
行相知是佛言如逮得禪者不動不搖如應
儀地如緣一覺地如佛地如本無終不動佛
說本無聞者不言非虛空本無本無是所有
本無如本亦不言非如聞已若轉於餘處聞
終不疑不言是非如本無立其所言誠而重
不說不軌凡夫逆道之作不觀視用是比相
行具足知是不退轉大士復次不形相沙門
梵志面貌是別之諦知諦見終不祠拜華香
施天亦不教他人為用是比相行具足知之
終不生惡處不作婦人身用是比相行具足

知又不退轉大士持戒身自不殺教人不殺
身自不盜教人不盜身自不婬教人不婬身
自不兩舌惡口妄言綺語嫉妬恚癡是十戒
皆自持復教彼守行夢中自護十戒面見如
是用是比相行具足知又學諸法用是心學
是法令群生安隱爲說經持是經授令分德
願群生令得斯淨定以明自立用是比相行
具足知又大士深法說時終不疑不言不信
亦不恐怖所言輒美少睡卧行步出入不亂
心徐行安諦擇地而行被服衣中常清淨無
蚤虱塵垢亦無憂身中無八十種虫所以然
者闍士大士六度功德過於賢聖稍欲成滿

身心淨潔悉受高志善業白佛言云何天中
天閻士大士心淨潔佛言所作功德轉增稍
上心無所礙功德悉逮是心淨潔過應儀緣
一覺上用是比相行具足知又有來供遺者
不起喜一切無慳於深經說未嘗有馱深入
智中若餘處欲聞經者持是明度為說之其
有餘道所不正者持明度為正之經中所出
法悉持無常之事以語之諸世間經書所不
能解者持是明度為解之用是相行具足是
故弊邪稍稍來到其所便於邊化作八大地
獄中有諸閻士便指言斯人皆從前佛受決
為不退轉今皆墮地獄中佛為授名地獄耳

若當疾悔之言我非不退轉設若言余者不復入地獄中當生天上佛言設是心不動者知是不退轉用是相行具足知耶復化作師被服徃至其所若前從我聞所受悉棄之皆不可用若疾悔之隨我言者我日來問訊不用我言終不復來莫復說此事我不欲聞前說皆外事耳更受我言是佛所說也佛言聞是設令動轉者當知其人不從過去佛受決未升大士舉中在不退轉地設令不動轉念是經虛空所致作是思惟不信邪言譬言如比丘得應儀不受邪言眼見經證是為空所致終不可動如應儀緣一覺所念法終不復還

是大士向佛亦然矣正在不退轉地立是爲
極度用是相行具足知弊邪復往到其所更
作異人言若所求者爲求苦耳非求佛法也
若負斯難用之爲求若在惡道歷世弥久適
得爲人不嘗思惟自患厭耶當於何所更索
是軀何不早取應儀用佛爲求乎佛言設不
轉者邪復捨去更作方便化作若干闍士在
其邊立復往拍言若見是闍士皆供養如恒
沙佛衣食卧具醫藥具足受法問慧當所行
所求悉學如法住如法求皆入中作斯學行
常不得佛汝緣得乎佛言設是不動者邪去
不遠化作比丘輩言是應儀過世時皆求闍

士道取應儀已若何從得佛佛言用是故闍
士大士作是行從他處聞心不轉不異於是
中復覺知邪為佛所語無異求大明植志若
慈者設不得佛佛語為謬佛語不欺當作是
學當作是求諦護是教心不動轉從中覺邪
用是相行具足知是不退轉矣又邪嬈言佛
如虛空是經行無邊不可得極何以故是經
義可知觀其所趣皆虛空矣為中勤苦不當
覺知邪事邪作是經耳云何欲得佛是非佛
所說佛言大賢士女視明慮長諦議自議妖
邪多巧以逆為順恠來不傾牢如須弥用是
相行具足知是不退轉也作一禪二禪三禪

四禪是定隨是四禪不錄禪是所禪作是定
用入欲中故不退轉闍士大士不隨定教淨
過定上用是相行具足知又有共稱其名德
者不以喜心不動亂常正心設在家不有重
婬若時有欲如過大空澤中飲食時恐怖畏
盜賊欲疾去自念我何時當出是空澤中念

婦人惡露不淨非我淨法當作是念何以故
念使十方人安隱故佛言如是其福具足得
明度威神力使作是念用是相行具足知又
憇夷洄翼從防衛餘鬼神不敢附不失心志
不妄起心身無瘡癘六情雅具聖雄而不自
顯不誘他婦女若符呪藥不行之亦不教人

姪姝穢行不以歷口非法惡念無由生哉用
是相行具足知復次善業將以何行名爲不
退轉不退轉者不與無道主佞孽女臣賊盜偷
寇軍謀殘生非法士女蠱道姪姝錢穀屠酒
祀繒絲香熏倡伎調戲入海投難求榮採利
如斯之徒終始不友闔士從事不離一切智
常譽賢者以爲談首遠愚近聖尊戴三寶亦
故誓曰不退轉闔士常願生異方佛刹願高
誓重必獲往生用是故常見佛得供養如是
願從欲處色處空處從彼來生中國於闔士
家大明鄉八正談抱義典逆事不豫遠邊地
無佛處性淨真不犯法如是相行具足知爲

不退轉不退轉闍士不言我是不疑我非不
中疑譬如得溝港道於其地終不疑邪事適
起即覺知寧殞命而不迴心自於其地終不
疑不懈無應儀緣一覺心心不念佛難得安
住其地心大無表勇而無勝何以故如是住
無能過者用是故邪愁毒便化作佛身往謂
之曰若於是可取應儀證若未受無上正真
道最正覺決何以故若不得是相行何因得
乎知非佛也是邪耳如佛所說思惟視之是
邪所爲欲使我轉佛言設不動者知已於過
去佛受無上正真道最正覺決其悉知法行
忠正者代不惜身命一切法悉受徃古來今

諸佛明法悉護持之用是故不惜身命未嘗
懈無馱時如來及諸弟子說經時不疑言非
何以故逮得無所從生法樂於中立持是功
德悉具足知是不退轉闍士大士

大明度經恒竭清信女品第十六

善業白佛言不退轉闍士從大功德起當為
說明度令入深法佛言善哉善哉若內闍士
使入深法何等為深空為深無相無願無識
無生滅泥洹是為限又白佛言泥洹是限非
是諸法佛言諸法甚深色痛癢思想生死識
甚深何等為五陰甚深如本無尔故甚深善
業言難及天中天安稍去色便為泥洹佛言

是與明度相應當作是住如明教學闍士隨
是行思惟念一日如夢中教却幾劫生死佛言
譬言如姪士寶彼女色與之期會女不自由姪
夫寧有盛想不善業言士以色故想彼面會
展其愚情佛言一日之中有幾意念對曰甚
多天中天佛言如彼人念一日心轉多闍士
如是欲學淨行一日爲却惡於罪甚多若離
明度正使布施如恒沙劫不如也又使壽如
恒沙劫等并前行溝港頻來不還應儀緣一
覺至佛不得明度行不如中教皆不如此行
如中教闍士又復壽如前布施持戒具足若
求明度念起說經其德出彼上以經布施作

無上正直真道自深入教其德轉高自深入者
爲明度所獲未嘗離時其德甚多善業問佛
所識有著者天中天此二何功德爲多者佛
言閻士所識若求明度樂於無所有樂盡樂
無常念是爲不離明度得德不可計稱數善
業問佛不可計復言稱數將有何異乎佛言
稱數者其數無盡不可計者謂無邊量也尔
故爲不可計稱數善業言佛說不可計五陰
亦然佛言若所問者有所因使五陰不可計
量善業問佛何等爲無量佛言於空中計之
是法不可計佛言云何善業我不常言諸法
空對曰如是天中天如來所說悉空佛言如

是諸法悉空不可盡計經慧無有各為異流
如來但分別說耳不可盡量是空是相是願
是識是滅度隨所喜說作是說示現教化如
來如是善業白佛言難及天中天經本空耳
云何復於空中說經是經不可逮如我了佛
諸法不可逮佛言如是諸法不可逮計法空
耳如佛所說本不可逮願解不可逮慧有增
有減佛言不也善業言不可逮慧不增不減
六度等然若其不增何因闍士近無上正真
道得為正覺設不減者闍士求守明度變謀
明慧不念布施增之與減不作是念是但名
布施度無極耳所施與念持是功德與作無

上正直道戒忍辱精禪皆如是闍士求明度
守之得變謀明慧不作是念增減皆但名耳
念發心如無上正直道我作是施與何謂無
上正直道佛言本無是也本無不增不減常
隨是念不離為近矣善業問言闍士以初意
近無上正直道耶以後來意近乎斯兩意無
對何等功德出生長大之者佛言譬如燈炷
然用初出明燒炷光後來明耶善業言非初
明亦不離初明非後明亦不離後明佛言如
是不用初意得無上正直道亦不離初意非
後意亦不離後意得是為得正覺云何心前
滅後復生乎善業言不也天甲天去何心初

生可滅乎對曰不可去當所滅者寧可使不
滅乎對曰不可佛言寧可住本無乎對曰欲
住本無當如本無住佛言設令在本無中住
寧可使久堅乎對曰不本無甚深曰本無寧
有心耶曰離本無寧有心乎對曰不也曰見
本無乎對曰不見作是求為深求乎對曰不
也天中天作是求無所求何以故是法了不
可得見佛言闍士大士求明度為求何等對
曰為求空求空為求何等為求無相曰為去
相乎對曰不云何相不去善業言開士不作
是求妄想天中天何以故開士求相盡滅者
即可得應儀闍士變謀明慧不滅相得證向

無相隨是教矣秋露子謂善業有三事向定
守定門空不願無相是爲三有益於明度不
但晝益夜於夢中亦復益何以故晝日夜夢
中佛說等無異善業語秋露子若闍士晝日
有益夜於夢中亦有益又問夢中所作寧有
所得不如經等之善業曰夢中作善者喜爲
益惡者愠感爲滅設於夢中殺人覺已喜歎
快之云何善業言心不枯尔皆有所緣若見
聞若念爲因緣是故知耳從是中令人心有
所著或無所著是爲不妄尔皆有所緣秋露
子言所作爲空耳何因心有所緣善業言心
想因緣即因緣興矣秋露子言闍士夢中布

施持是施與作無上正直道有施與者無也
報言弥勒闍士近在前に暮當補佛處子欲
知當從問秋露子問弥勒弥勒言如我字弥
勒當色解慧耶當痛癢思想生死識解乎持
是身解乎若空五陰解五陰空無力當所解
去不見亦不見當所解人得道者秋露子曰
所說爲有證不答曰我所說不得證秋露子
便作是念弥勒所入慧甚深甚深何以故行
明度以來久遠佛言云何見若作應儀不乎
曰不也天中天佛言闍士不作是念我受決
是法若於法中得正覺亦無得正覺者作是
行爲求明度不恐我不得正覺隨是法中教

是故勇無所畏至大劇處虎狼中念設有噉
我者為當布施行布施度無極近無上正真
道願我作佛時令我剎中無禽獸道至賊中
設於中死心念言我身會當棄捐設殺我我
不當瞋恚為具足行忍辱度無極近佛道我
作佛時令我剎中無賊盜至無水漿剋心念
言人民無德使尔我作佛時令我剎中人民
皆得一切智八味水用一切故當精進至穀
貴處念當精進取佛願曰吾作佛時令我剎
中無穀貴處皆使人民在所願所索食悉在
前如忉利天上所有用衆生故當精進有惡
歲正使身遭惡歲死我心無異必當降伏邪

官屬行精進索佛道我作佛時令我刹中人
民無惡歲死亡者我所語後我作佛時無異
復次秋露子闍士聞是便呼無上正真道或
却後久遠乃得佛者亦不恐怖從本際以來
呼如一意轉頃何以故無本際乃得佛者心
安然不恐怖時有清信女從座起前至佛所
作禮長跪言我聞是不怖必除恐怖之處索
佛道得佛已當說經佛笑口中金光出清信
女即持金華散佛上佛威神故華不墮地阿
難從座起更整整袈裟前作禮長跪言佛不妄
笑既笑當有所說佛語阿難是恒竭清信女
却後當來劫劫名星宿中有佛名金華是清

信女後於此時棄女爲男後當生無怒佛刹
從一刹生一佛刹譬如金輪聖王從一觀遊
一觀從生至終足不蹈地是清信女如是從
一佛刹到一佛刹未嘗不見佛足不蹈地自
致得佛阿難心念如無怒佛刹諸闍士會者
是爲佛會耳佛即知阿難心所念曰然阿難
諸會者悉度生死已清信女後作佛名金華
佛度不可計應儀令三毒盡刹中無禽獸賊
盜斷水穀虺病瘦及餘惡事悉無有又問佛
清信女從何佛作功德佛言於錠光佛所作
功德初發意求佛時亦持金華散佛上願持
是功德施與作無上正真道佛言如我持五

華散錠光佛上即逮得無所從生法樂於中
立佛即授我決却後九十一劫若當作佛名
釋迦文是清信女尔時見我從佛受決其心
念我當受決得無上正真道阿難白佛言是
清信女所求已度

大明度經守空品第十七

善業白佛言闍士大士行明度無極何等爲
入空爲空定佛言色痛癢思想生死識空觀
一心作是觀不見法於法中不作證佛所說
不於空中作證云何闍士於定中立而不得
證佛言是闍士悉具足念空不得證作是觀
不取證觀入處甫欲向是時不取證不入定

心所著不失開士法本無中道取證何以故
本願都護衆生爲興弘慈念具功德不中取
證開士大士得明度證致功德斯大力矣譬
如人勇捍能却敵爲人端正猛健無所不能
悉持兵法六十四竒悉曉習工爲衆人所敬
所至處無不得力者從是所得者轉分布與
人其心歡喜若有他事與父母妻子俱去過
大劇道其人安親曰莫有恐怖今但免難矣
重讎雖來其人多變以濟親害逆歸本土宗
門康休然亦無損所以然者以其巧變備矣
其人勇慧能幻化化作士衆讎覩恐懼各自
流散鄉土稱德靡不歡喜者是閻士大士於

衆生行大慈心過應儀出緣一覺地去於定
中立於衆生悉斃傷無所見於是中不取證
入空中深不作應儀作是行向定向泥洹門
不有想不入空取證如鳥飛行虛空中無所
觸礙如是行甫欲向空至空向無相至無相
不墮空無相中悉欲具佛諸法譬言如人工射
射空虛中後箭中前箭續後射轉中前箭其
人欲令箭墮乃尔墮如是行明度為變謀明
慧所護自於其地不中道取證墮二道行以
是功德逮得無上正真道成滿便得佛於經
本中觀不取證善業白佛言慊苦作是學不
中道取證佛言悉護衆生守定向滅度門心

念分別何等爲分別守空定分別無相定分
別變謀明慧護使中道取證何因變謀明
慧護之心念護衆生持是所念不中道取證
復次深入觀若空定向滅度門用是故分別
又遠以來人民所因緣想中求無上正真道
爲說經當使棄是因緣守空是無相定無願
定向滅度門不中道取證復次闍士念久遠
人民呼常有想有我想有好想各各求我作
無上正真道時有人民故爲說經使斷是諸
想悉斷求云何斷是常非常是樂皆苦是身
非身是好皆醜聞士思念爲變謀明慧守無
願定向滅度門不中道取證若闍士心

爲衆生從久遠來求因緣求想求欲求聚想
求空想求閻士言我使衆生無斯想普慈弘
至故得變謀明慧是法觀空相願識無所從
生齊限不中道取證法當作是知閻士云何
求明度曉習法中心何緣求入守空定向滅
度門守無相無願無識無所從生定向滅度
門是開士不得慧故守空念無相無願無識
無所從生念定竟有來問者不即持不可計
心爲解者如是非不退轉閻士也何故不退
轉閻士心無央數悉知用是行不具足知未
得不退轉之明矣善業言不可計人求閻士
道少有能解者無信作是解者已受決於功

德中極殊所知法應儀緣一覺諸天人鬼龍
質諒神所不能及

大明度經卷第四

卅

臣隸

下役 帝反 德之夫也

數轉如稱

上音朝 下音稱 字頻

船舩

字舩

板檣

竿下 自作羊反 牆非帆

坏瓶

上音燒 器未燒 反

繕

時扇 反

反

阿闍淨

此云新意 新

盟誓

上音明 謂書其詞於冊

諸侯蒞

蒞

之

表信也 大事曰盟 小事曰誓

翅

音施 去

軌

軌

居

水反 祠 祭也 詞

蚤虱

上音早 供遺

去聲 恭

下

悉夷洹

此音執 下音九

瘡癘

下音 例香

引音

也

姪

妹

上夷

亦今

反下

洗

倭

薛

女

上奴

定

反

諱

作

也

宥

寢

二同

反賊

苦候

也

蠱

道

上音

害古

也以

祀

祭音

似

倡

樂

也音

昌

殞

命

反上

羽

恒

竭

日下

渠

列

祭也

般

若

恒

也音

提

痛

癢

下音

養

無

怒

下

列

祭也

般

若

若

地

履上

音

勇

悍

下音

無

敵

徒無

的

反

重

阿

下

音

也

靡

無也

反

悍

下音

無

敵

徒無

的

反

重

阿

下

音

也

靡

無也

反

悍

下音

無

敵

徒無

的

反

重

阿

下

音

江

